

14 MAR 1999

KEMENANGAN BN DI SABAH BUKTIKAN KEMATANGAN PENGUNDI

KUCHING, 14 Mac (Bernama) -- Barisan Nasional (BN) Sarawak yang menyambut baik kemenangan rakan mereka di Sabah pada pilihan raya negeri semalam berkata kemenangan itu membuktikan kematangan para pengundi.

Timbalan Ketua Menteri Tan Sri Alfred Jabu berkata kemenangan BN juga menunjukkan peningkatan persefahaman politik rakyat Sabah mengenai falsafah BN yang memperjuangkan keamanan, kemakmuran dan pembangunan.

"Persefahaman itu akan membawa kesan baik kepada pembangunan negara pada alaf akan datang," katanya.

Jabu yang juga timbalan presiden Parti Pesaka Bumiputera Bersatu (PBB) diminta mengulas keputusan pilihan raya itu yang menyaksikan BN memenangi 31 daripada 48 kerusi yang dipertandingkan.

Sementara itu setiausaha agung Parti Rakyat Bersatu Sarawak (SUPP) Sim Kheng Hui berkata kemenangan itu membuktikan keyakinan rakyat kepada kepimpinan Perdana Menteri Datuk Seri Dr Mahathir Mohamad.

Dengan kemenangan dan kerajaan yang stabil, kadar pembangunan di Sabah dijangka bergerak dengan pesat, kata said Sim yang juga Menteri Muda Pembangunan Industri.

-- BERNAMA
CJ LAT RON